

Et fünfte Kääzje

Musik & Text Björn Heuser / Verlag: HEUSERMUSIK, GMO Publishing

De Zick, se es verflöre,
wo sin all die Johre,
saach, han mer uns nit irjendwo
schon ens jesinn?

Jrad en d'r dunkle Johreszick,
do merk mer schnell, de Uhr se tick,
manchmol schneller,
als mer et verdeent...

Ald widder es Advent, un de Kääze, se brenne,
eetz eins, dann zwei, dann drei, dann vier!

**Un wenn et fünfte Kääzje brennt,
dann häste Weihnachte verpennt,
do luurste nur, do määste nix,
jo et es wohr un keine Wetz:
wenn et fünfte Kääzje brennt,
dann häste Weihnachte verpennt,
dröm pass op, un jeff joot Aach,
et jitt nur ein hellije Naach!**

Em Ähnz, et es verröck,
wie schnell dat all doch jeiht,
de eetzte Weihnachtsplätzche,
jitt et längs ald em Aujuss.

Doch do schöddle mer me'm Kopp,
un jonn durch der Supermaat,
weil mer su ne Krom,
doch lang noch nit bruch.

Ald widder es Advent, un de Kääze, se brenne,
eetz eins, dann zwei, dann drei, dann vier!